



Broj: 11-16.6-1823-5-2/15
Datum: 24.04.2015. godine

Na temelju člana 64. stav (1) tačka b), člana 70. stav (1), (3) i (6) Zakona o javnim nabavkama („Sl. glasnik Bosne i Hercegovine“, broj 39/14), na preporuku Komisije za javnu nabavku u skladu sa Zapisnikom o radu komisije broj: 11-16.6-1823-4/15 od 22.04.2015. godine, u postupku javne nabavke: Redovno čišćenje i održavanje higijene u objektima Agencije, direktor Agencije za lijekove i medicinska sredstva Bosne i Hercegovine, donosi

ODLUKU
o izboru najpovoljnijeg ponuđača

Član 1.

Prihvata se preporuka Komisije za javnu nabavku u skladu sa Zapisnikom o radu komisije broj: 11-16.6-1823-4/15 od 22.04.2015 godine, te se ugovor za javnu nabavku **redovnog čišćenja i održavanja higijene u objektima Agencije za LOT 2 – Redovno čišćenje i održavanje higijene u objektu Kontrolne laboratorije Agencije u Sarajevu**, dodjeljuje ponuđaču „**TOP-FIT**“ d.o.o. Čelinac, za ponudenu cijenu **9.816,00 KM bez PDV-a**, odnosno **11.484,72 sa PDV-om**, kao najbolje ocijenjenom ponuđaču.

Član 2.

Prijedlog ugovora o nabavki dostavit će se na potpis izabranom ponuđaču „TOP-FIT“ d.o.o. Čelinac, a po pribavljanju mišljenja Pravobranilaštva Bosne i Hercegovine.

Član 3.

Za izvršenje ove odluke zadužuje se Sektor za finansijske i Sektor za pravne i opšte poslove.

Član 4.

Ova odluka objavit će se na web-stranici www.almbih.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-1823-1/15 od 03.04.2015. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke sa PDV-om je 7.000,00 KM, odnosno 5.982,91 bez PDV-a.

Obavijest o nabavki broj: 5-7-2-54-3-14/15 poslata je na objavu dana 03.04.2015.godine i objavljena je na Portalu javnih nabavki isti dan, sažetak obavijesti o nabavki nije objavljen u „Sl. glasniku BiH“.

Zahtjev za dostavu ponuda je prosljeđen sljedećim ponuđačima:

- New Gredeko d.o.o. Ul. Kakanjska broj 4, 71300 Visoko
- TOP-FIT d.o.o., Ul. Vukana Trivića bb, 78240 Čelinac
- EKO-Zenit d.o.o., Ul. Dunavska broj 1C, 78000 Banja Luka
- DELFIN z.r.s.p., Ul Prvog maja broj 72, 79101 Prijedor

Komisija za javnu nabavku imenovana je Odlukom broj: 11-16.6-1823-2/15 od 03.04.2015. godine.

Komisija za javnu nabavku dostavila je dana 22.04.2015. godine Zapisnik o radu komisije broj: 11-16.6-1823-4/15 od 22.04.2015. godine, koji je ujedno i izvještaj o radu Komisije. U Zapisniku se nalazi i izvještaj o ocjeni ponuda sa preporukom o izboru najpovoljnijeg ponuđača, u postupku javne nabavke **redovnog čišćenja i održavanja higijene u objektima Agencije za LOT 2 – Redovno čišćenje i održavanje higijene u objektu Kontrolne laboratorije Agencije u Sarajevu.**

U postupku po izvještaju o radu je utvrđeno je da je Komisija za javnu nabavku, blagovremeno je i pravilno izvršila otvaranje ponuda kao i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda, jedana ponuda,
- da je blagovremeno zaprimljena ponuda jednog ponuđača,
- da je ponuda ponuđača „TOP-FIT“ d.o.o, Čelinac u iznosu od 11.484,72 KM sa PDV prihvatljiva,
- da je jedini ponuđač za LOT 2 „TOP-FIT“ d.o.o, Čelinac, i da je njegova ponuda veća od planiranog iznosa nabavke za ovaj Lot. Odlukom o pokretanju postupka nabavke usluge Redovnog čišćenja i održavanja higijene u objektima Agencije broj 11-16.6-1823-1/15 od 03.04.2015.godine, planirano je 5.982,91 KM bez PDV-a za LOT2, a u ponudi je ponuđena cijena u iznosu od 9.816,00 KM bez PDV-a,
- iako je ponuda jedinog ponuđača za LOT 2 veća od predviđenog iznosa nabavke za ovaj lot, Komisija ističe da je riječ o ponuđaču koji je istovremeno dao ponude i za LOT 1 i za LOT 2, te je ukupnan iznos ponude za oba lota (17.465,76 KM sa PDV-om za LOT 1 i 11.484,72 KM sa PDV-om za LOT 2) u okviru ukupno predviđenog iznosa za ovaj postupak nabavke. Kako za LOT 2 nije bilo drugih ponuđača iako je obavještenje objavljeno na portalu Agencije za javne nabavke, te dokumentacija poslana na četiri adrese i objavljena na web stranici Agencije za lijekove i medicinska sredstva, Komisija je mišljenja da bi bilo neekonomično i nesvršishodno da se

ponavlja postupak nabavke za LOT 2. Imajući u vidu da ponuda ponuđača „TOP-FIT“ d.o.o Čelinac za oba lota ne prelazi ukupno predviđeni iznos za ovaj postupak javne nabavke, Komisija predlaže direktoru Agencije da potpiše ugovor za javnu nabavku usluge redovnog čišćenja i održavanja higijene u objektima Agencije za LOT 2 – Redovno čišćenje i održavanje higijene u objektu Kontrolne laboratorije Agencije u Sarajevu, sa kvalifikovanim ponuđačem „TOP-FIT“ d.o.o, Čelinac u iznosu od 11.484,72 KM sa PDV-om.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač „TOP-FIT“ d.o.o, Čelinac je izabran primjenom kriterija najniže cijene, kako slijedi:

RANG-LISTA OCIJENJENIH PONUDA

Red. Broj	Naziv ponuđača	bez PDV-a (KM)	Sa PDV-om (KM)	Broj bodova
	Najpovoljniji uslovi	9.816,00	11.484,72	100,00
1	„TOP-FIT“ d.o.o. Čelinac	9.816,00	11.484,72	100,00


Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za finansijske poslove,
4. web-stranica
5. a/a.



DIREKTOR

Prim. mr ph. Nataša Grubiša, spec.

3/3

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Вељка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba